



OHA Mi Etiwa Mefiomw ren Onuk faniten OHP Bridge – Basic Health Proqram

OHP Bridge – Basic Health pprogram nge ew minafon insur proqram ren pekin tumwunun manaw mi wor non ewe Oregon Health Plan (OHP, Oregon Ototen Tumwunun Manaw) epwe caferini aramas nour moni tonong mi ekis watte seni ewe keukun moni tonong fan OHP. Aramas nour moni tonong mi nomw nefinen 138 me 200 percent ren ewe federal poverty level (FPL, federal lefelin keukun osupwang) repwe tongeni aia ei caferin tumwunun manaw me fan OHP Bridge, mi kawor seni ewe chok Coordinated Care Organizations (CCOs) mi awora aninis ngeni chon apach non OHP.

Ekei aninisin OHP Bridge ra wewe ngeni chok ekewe pwan aninisin OHP. OHP Bridge esapw wor momon premium iteiten maram ika momon ren chon pachonong, aweve ren inetin momon ike momon dedak.

Ewe Oregon Health Authority (Meinapen Tumwunun Manaw non Oregon) mi makei onukun angangen ekei metoch faniten OHP Bridge – Basic Health Program. Ekei onuk epwe iei ekewe onuk Oregon Health Authority (Meinapen Tumwunun Manaw non Oregon), CCOs, me OHP Bridge – chon awora aninisin Basic Health Program repwe fiti nupwen ar awora masowen ei minafon proqram.

Kich sa mochen rongorong mefiomw. Sia mochen pwun ekei onuk repwe afata met mochenin chon pachonong non ei minafon OHP Bridge – Basic Health Program nesor me ponon, pwan ren ekewe chon awora me CCOs ra awora masowen ewe proqram. Sia kuta chochon non neeniach me chiechiach ir mi mochen awora ar memef me ekiek. Mi wor ekoch anen omw kopwe fori:

- **Eti kich won ach uwe Rules Advisory Committee (RAC, Mwichen Onuk me Oureur)** epwe fis won Zoom non Fepuari 6th me 7th, 2024 seni kunok 2-4 pm non ekei ran. OHA epwe wanong maken ekei onuk me porous won met sokun kasiwin sia mochen wanong me ren ekewe chon pachonong me ioni ar memef me mefier. Ewe RAC epwe kafis non fosun Merika, Spanish me ASL epwe pwan kawor non ekoch fosun fonu ika mi wor chon tingor.
- Awora omw fansoun kopwe **chufengen me chon angangen OHP Bridge – Basic Health Program** nefinen Sanuari 15th me Fepuari 9th, 2024. Kich mi tongeni

chuuruk chok ika chuuruk me chon non omw mwich. Sia pwan tongeni forata ew mwich ren ach sipwe ousening masowen ekei mwich ren met epwe murino ngeni chon neeniomw.

- **Wanong mefiomw me non ena atun kinikinin memef seni publik.** Ewe kinikinin memef seni public faniten ekewe onukun OHP Bridge – Basic Health Program epwe suk non Mas 1st iwe epwe kesip non April 19th. Epwe fis arongorongen public non Mas 21st.

En mi mochen fiti ena RAC, fori omw skechon omw kopwe chuuri kich, ika mei wor omw kapas eis? Mak ngeni kich non email ren: ohpbridge@oha.oregon.gov kopwe esinei ngeni kich.

Aramas meinisin mi wor ar pwung repwe sinei porousen me aia ekewe aninisin me prokramen OHA iwe OHA mei awora aninis ese kamo.

Awewe ren ekoch aninis ese kamo OHA mi awora:

- Chon repwe aninis ne chiakuni foos non pwom me foos non foosun ew fonu
- Maken metoch non ekoch kapasen fonu
- Nikinikin noun mei chuun
- Mei mesemong foun mak
- Non kapas me pwan ekkoch sokkun nikinikin

Sia esuku ach sipwe rongorong sonuk!